



I нешир сентябрь-октябрь 2016 с.

Qurum evlâdı

УБМБУ Судакъ шеэри болъгеси «Къырымтатар тилинде окъуткъан 3 номерлы орта умумтасиль мектеби»

Биз талебе, яш балалар – къырымтатар несили.

Биз олурмыз даим унер, интизамлы, бильгили!

Мектебимизде сайлавлар!



бабалар тешкиль эттилер.
Эр талебеге озь сесини
бермеге имкян берильди.
Сайлавлар юксек seviеде
кечирильди, ич бир тертип
бозулмады.



17 октябрь куню
мектебимизде президент
сайлавлары кечирильди.
Президент вазифесине 3
намзет наиль олды: Сейт-
мамутова Эльмаз, Усеи-
нова Реане ве Веджатова
Алиме. Сайлав комиссия-
ны мектеп оджалар, ана-

Президент унваныны 9 сы-
ныф талебеси Сейтмамуто-
ва Эльмаз къазанды.
Хайырлаймыз Эльмазны.
Ишлеринде мувафакъи-
етлер тилеймиз!



«Йигит олсанъ, мейдангъа чыкъ!» (аталар сёзлери)

Кечкен джумаэртеси
куню 4-5 сыныф
огъланлары «Мешин
топ» спорт ярышында
II ерни
къазандылар.

Машалла огъланлары-
мызгъа!



Бу неширде

Мектебимизде
сайлавлар 1

«Мешин топ»
ярышы 1

«Огренмек ичюн
яша, яшамакъ
ичюн огрен!» 2

Мектебимиз 14
яшында! 2

Оджалар,
оджапчелер! 3

Къурбан бай-
рам 3

«Огренмек ичюн яша, яшалакъ ичюн огрен!»



Адет узьре 1 сентябрь – бильги куню деп сайыла. Бу йыл мектебимизге 1 сыныфкъа 53 талебе адым атты. Келеджек талебелеримизге сабыр, ишлеринде мувафакъиетлер тилеймиз. Алгъан бильгилерингиз даа да артсын. Аллах къолай кетирсин!



Мектебимиз 14 яшында! Хайырлаймыз!

Бир заманда бар экен, бир заманда ёкъ экен..13 сентябрь куню 2002 сенеси Судакъ шеэрининъ энъ аджайип кошесинде 3 номераы орта умумтасиль миллий мектеби ачылды. Бу гузель мектепке бутюн Судакъ шеэринден балалар ве теджрибели оджалар давет этильди. Ана-бабалар озь балаларны къолундан тутып биринджи

кере 1 сыныфкъа кетирдилер. Бу талебелерини келеджекте меракълы мектеп куньлери беклей.

Шимди исе 2016 сенеси 13 сентябрь куню мектебимиз 14 догъгъан кунюни къайд эте. Бу тантаналы кунъ эпимизге хайырлы олсун! Бугунъ мектебимизде 300 талебе окъуй ве 31 теджрибели оджа дерс алып



бара. Бизим мектебимиз садедже бина дегиль, интерактив технологиялар, компьютерлер ве янъы китаплар, лугъатлар иле термин этильген муэссиседир.

Биз мектебимизден чокъ гъурурланамыз ве оны




Оджалар, оджачелер...!



*Ватан ичюн, миллет ичюн
Буюк ишлер япасыз.
Сизлерге башым эгем,
Федакяр оджаларым!*

Зенаат байрамынъыз хайырлы олсун!

*Зенаат байрамынъыз хайырлы
олсун!*



Сен-
тябрь
12 ку-

ню бутюн мусульман
дюньясы мукъаддес Къур-
бан байрамыны къайд этти.
Мектебимиз де бу байрамы-
ны юксек севиеде кечирди.
Мектеп мудири Саиджали-
лова Фериде Ибраимовна эр
кесни бу буюк байрамынен
хайырлады. Мерасим адет
узьре дуа иле башлады.
Дуагъа 7-а сыныф талебеси
Поляков Алим буюрды.

Мектебимизде Къурбан байрам!

Башлангъыч сыныф тале-
белери меракълы сана-
лаштырма ве байрамгъа
быгъышлангъан шиирлер-
ни окъудылар. Оюн теге-
рекнинъ иштиракчилери
исе хайтарма оюныны азы-
рладылар. Байрам лезетли
зияфетлернен девам этти.

*Мектебимизде Къурбан
байрамы кечирильди!*



«Къырым эвляды»



Бирюзова сокъагъы, 7
Саитымыз: <http://sudak-school3.ru>

«Къырым эвляды» газетанынъ янъы редакция
азаларына ишлеринде мувафакъиетлер
тилеймиз!



Биринджи сыныф талелелерине

Одунджылар, ташчылар,
Учуджылар, ашчылар,
Гемиджилер, чобанлар,
Айдавджылар, багъчеванлар,
Экимлер ве йырджылар,
Языджы ве дагъджылар,
Окъудылар биринджи
Сыныфта бир вакъытлар.
Элифбени илк кере
Олар мында ачтылар.
Атта ана, бабанъыз
Мында бильги алдылар.
Энди небет сизлерге,
Яхшы окъунъ, балалар.
Йыллар тез келип кечер,
Сув киби акъар, кетер.
Мектеп азиз бир ердир,
Мында бильги ашланыр.
Буюк омюрге ёллар
Шу мектептен башланыр.



Ю.Къандым

Хайырлаймыз!



Урметли, севили Айсель
оджамызны юбилей иле
хайырлаймыз! Сизге къавий
сагълыкъ, ишлеринъизде
мувафакъиетлер тилеймиз!



«Къырым эвляды»
редакциясы